

Antimonium.
Lapides molares.
Cotes.
Fluores.
Crystallus.

Vernon.

Buxton.

46. Edw.
3.

tur, ut lex ultro dicatur, ne plus certo modo fiat. In his enim montibus lapides plumbarii feraces, ut vocant Metallici, quotidie magna copia effodiuntur, quos in collibus Favonio obversis juxta Creach, & VVorke's worth (quod hinc nomen à plumbariis operibus invenit) observatis temporibus cum Favonius flare cœperit, quem omnium ventorum pertinacissimum esse usu deprehenderunt, magna lignorum vi accensa excoquunt, & effossis canalibus quibus defluat, in masias, Sowes vocantur, conflant. Nec plumbum solum, sed etiam Stibium (in officinis Antimonium vocatur) hic in propriis venis reperitur; quo in tingendis ciliis Græcæ mulieres usæ sunt, unde Poëta Ion *ημαλόγεφον* nominat. Lapides etiam molares hic exciduntur, cotes item ad ferramenta exacunda, & nonnunquam Fluor quidam candidus in fodiinis reperitur (Lapides enim è fodiinis qui gemmis sunt similes, Fluores metallicis dicuntur) qui per omnia Crystallo est simillimus. Præter illud VVorke's worth, quod relatu dignum, non aliud occurrit nisi Haddon ad VVie fl. sedes Vernonum annis quam plurimis, qui ut antiqui ita perillustres hoc in tractu fuerunt, adeo ut Georgius Vernon Eques auratus qui nostro tempore vixit, ob magnificientiam, domum bonis apertissimam & laudatam hospitalitatem nomen Reguli in Peak apud multitudinem retulerit. Per ejus autem filias & hæredes lauta hæreditas ad Ioannem Manours ex familia Comitum Rutlandiæ, & Thomam Stanley è stirpe Comitum Derbyæ transflata fuit. Huic adjacet Bakewell ad eundem fluvium, qui inter hos colles sibi iter in Derventionem aperit. Bado-canwell hoc Saxonibus dictum fuit, Burgumque ibi Edwardum Seniorem constituisse author est Marianus. Nescio an à thermis hoc nomen mutuatum fuerit, quas Bade & Baden antiqui Angli, ut Germani sua lingua nominarunt, unde Baden Germaniæ, & Buda Hungariæ. Sane ad VVie scaturiginem non procul hinc novem fontes calidis aquis ebulliunt, Buxtonwell hodie indigitant, quas cum stomacho, nervis, & universo corpori salubres esse jam usus docuerit: honoratissimus Comes Salopiensis Georgius ædificiis nuper illustravit, & denuo nobilissimorum virorum concursu celebrari cœperunt. Quo tempore infelicissima illa heroina Maria Scotorum Regina Buxtonæ, Cæsaris de Feltria versiculos immutans, hoc disticho vale-dixit,

Buxtona qua calidae celebrabere nomine lymphæ,
Forte mibi posthac non adeunda, Vale.

Sed hæc extra curriculum. Antiquitus tamen thermas has innotuisse Actus, sive Via Romana lapidibus constrata Bathgate dicta, per septem hinc millaria ad Burgh viculum ostendit. Iuxta quem colli adfigitur vetustum castrum, quondam Peuerellorum, *The castle in the Peake* vocatum, Latine de Alto Pecco dictum, quod Rex Edwardus Tertius cum Manorio, & Honore Ioanni Duci Lancastriæ filio suo, cum restitueret Comitatum

Richmondiæ in manus Regis, donavit. Sub hoc specus, sive subterraneus meatus (honorem præfabor) Diaboli Podex dictus, magno hiatu patet, multiplicesque recessus habet, in quibus pastorem vidisse latissimam regionem rivulis interfusam, & vastos inertium aquarum conceptus, sive veri ignorantia, sive mentiendi libidine prodidit Gervasius Tilburiensis. Ex hujsmodi tamen fabulis inter Angliæ miracula censetur hæc specus, nec desunt hujsmodi fabellæ de altera in vicinia specu Elden hole, in qua nihil mirandum, nisi quod sit immanis, præceps, & profunda. Sed quod ventorum sint hic spiracula, frustra sunt qui scripserunt, nec alterutri harum convenient illi Nechami versiculos de Angliæ miraculis,

Est specus Aeoliis ventis obnoxia semper,

Impetus è gemino maximus ore venit.

Cogitur injectum velamen adire supernas

Partes, descensumque impedit aura potens.

Sed quæ memoranda in hac edita & aspera regiuncula, quidam hoc Tetrastrophi complecti voluit,

Mira alto Pecco tria sunt, barathrum, specus, antrum;

Commoda tot, plumbum, gramen, ovile pecus.

Tot speciosa simul sunt, Castrum, Balnea, Chatsworth:

Plura sed occurunt qua speciosa minus.

Darbiæ Domini è Peuerellorum stirpe illi perhibentur quos Nottinghamiæ Dominos jam ante diximus. Postea Rex Richardus Primus Ioanni fratri Comitatus & Castella de Nottingham, Lancastria, Derbyæ, &c. cum honoribus ad ea pertinentibus cum honore etiam de Peuerell dedit & confirmavit. Deinde Comites fuerunt è Ferrariorum familia, quantum ego è Registris Monasteriorum de Tutbury, Merivall, & Burton colligere possum) Guilielmus de Ferrariis ex Peuerelli filia & hærede natus, quem Ioannes Rex propria manu (ut in Charta est antiqua) in Comitem Derbyæ cinxit, Guilielmus ejus filius, & ab hoc Guilielmo genitus Robertus, qui bello civili ita hac dignitate excidit, ut ex posteris nulli, quamvis summo splendore vixerint, in integrum honorem restituti fuerint. Plurimas vero hujs Roberti possessiones in Edmundum filium suum juniorem transcriptis Rex Henricus Tertius, & Rex Edwardus Tertius (ex autographo scribo) consilio Parlamenti constituit Henricum de Lancastria filium Henrici Comitis Lancastriæ, Derbyæ Comitem sibi, & hæredibus, simulque assignavit 1000 Marcas annuatim in vitam Henrici Comitis Lancastriæ patris sui. Inde titulus Lancastrensi stemmati coaluit, donec Henricus Septimus eundem Thomæ Stanley contulerit, qui Margaretam Regis matrem jam ante duxerat, & ex hac familia jam sextus Derbyæ Comes Guilielmus vir longe honoratissimus eo honore lætatur.

Hæc de Comitatibus Nottinghamiæ, & Derbyæ, quorum partem incoluerunt illi qui Bedæ ætate Mercii Aquilonares vocabantur, quod ultra Mercii Aquilonares Trentam ad Aquilonem confederunt, terramque, ut inquit, familiarum septem milium habuerunt.

*Dive's
arfe in
Peake.*

Elden hole.

Darbiæ
Domini &
Comites.
Simon
Dunel-
mensis.
Matth.
Paris.
204. Char-
tæ antiquæ
1. Ioan.

Paræcias includit hic Comitatus 106.